

2. Instalación de eXeLearning

1

Aquí trataremos soamente da instalación de eXelearning en Windows, por ser o sistema operativo mais utilizado, e Ubuntu, por ser o sistema operativo escollido para o Proxecto Abalar na súa versión 10.04. Para outros sistemas operativos ou outras versións dos mesmos, remitímonos á [páxina oficial](#) do proxecto.

Windows:

Para instalar eXelearning no noso ordenador, iremos á web oficial do software:

<http://exelearning.org/> e buscaremos o apartado **Download eXe**, no que teremos que atopar o subapartado dedicado a Windows, concretamente o enlace Last Release Windows (installer).

Facendo clic sobre el conseguimos que se inicie descarga, por exemplo, ao noso escritorio.

Unha vez descargado o arquivo **eXe-install-1.04.exe**, faremos dobre clic sobre el co botón esquerdo do rato e seguiremos as instrucións de instalación que nos vai indicando; aceptamos o acordo de licenza, pinchando en "I Agree", e finalmente chegamos á pantalla que nos pide que indiquemos a ubicación da instalación. Eliximos o cartafol que nos dá por defecto, e facemos clic en "Install".

Ubuntu 10.04 ou posterior:

A versión estable que se pode descargar da páxina oficial de eXeLearning ofrécese para as seguintes versións:

- [Ubuntu Feisty](#) (works with Ubuntu Feisty 7.04, Gutsy 7.10, and Hardy 8.04)
- [Ubuntu Dapper](#) (eworks with Ubuntu Dapper 6.06 and Edgy 6.10)

A que lle corresponde á versión 10.04 de Ubuntu é a primeira, pero a súa instalación poder dar problemas coas dependencias.



Pilar Anta Fernández
Xosé Duyos Vázquez



[Jim Tittsler](#) recomenda instalar este paquete que se atopa en fase de proba:

http://sourceforge.net/projects/exe/files/Updates/exe_1.04.1.3605-ubuntu1_i386.deb

Nós instalámolo sen ningún problema (con dobre click despois da descarga) e temos eXe 1.04.1 funcionando perfectamente en Ubuntu 10.04 e en versións posteriores.

Execución de eXelearning

Para comezar eXelearning, facemos dobre-click na **icona de eXe** que aparece no escritorio logo da instalación.

Se non atopas a icona, fai clic en **Inicio> Programas > eXe > eXe**.

Probablemente necesitarás maximizar a fiestra de eXelearning para utilizar todo o espazo dispoñible no escritorio.

eXe portátil

Podemos levar eXe nunha memoria USB, e executalo en calquera ordenador que teña o sistema operativo Windows, sen necesidade de instalalo no mesmo.

Así, en calquera máquina (ben no Colexio, ben en casa) poderemos modificar os nosos traballos sen preocuparnos do proceso de instalación.

Para descargar a versión executable de eXelearning, visitamos a web de eXe:

<http://www.exelearning.org>, e buscamos o enlace que nos indica **Ready-to-run**. Ao facer clic sobre el, descargámolo ao noso PC, para posteriormente envíalo á nosa memoria.

Alí, facendo dobre clic sobre el, conseguiremos que se execute.



Pilar Anta Fernández
Xosé Duyos Vázquez

